


IBANGA LESI-2 ULIMI LWASEKHAYA

UZinhle uthola abangani abasha



ISIZULU

Izinga
luku-

Incwadi yoku-

|



Ukufunda ngamaqembu okuholwayo

Ngaphambi kokufunda

- Phenza amakhadi endaba abazoyifunda.
- Tshela abafundi ukuba baqagale ukuthi indaba izoqhubeka kanjani uma kususelwa esihlokweni nasemifanekisweni.
- Ngenisa amagama amasha noma alukhuni ngaphambi kokuba abafundi baqale ukufunda incwadi.
- Yenza amakhadi amagama ukwethula amagama amasha. (Thola uhlwana amasha ngaphakathi.)

Ukufunda kokuqala


- Abafundi kumele bafunde itekisi ngamunye.
- Abafundi kumele bafunde bethule noma "balifunde ngokuhleba" itekisi.
- Suka kumfundu uye kolandelayo, ucele umfundu ngamunye ukuba afunde isigaba setekisi kuzwakale.

Ingxoxo

- Funda imibuzo yokuqondiswa esuselwa etekisini.
- Gxila kumafoniki, amagama abonwayo (asaziwa) namagama amasha.
- Uyothola imisebenzi esekugcineni kwale ncwadi ilusizo ekuholeni ingxoxo. (Khetha imisebenzi efanele izinga labafundi.)

Ukufunda kwesibili

- Ezinsukwini ezilandelayo, tshela abafundi ukuba bayifunde futhi incwadi, ngababili noma ngamunye.
- Gxila ekufundeni kahle, uhlelo lolimi namagama amasha.
- Abafundi mabaqedele imisebenzi yeqembu eholwayo etholakala ngemuva kwale ncwadi. (Khetha imisebenzi efanele izinga labafundi.)



Abafundi mabadlale balingise okwenzeka endabeni uma umbhalo ukuvuma lokho.

Abafundi kumele benze imisebenzi yokufunda ngamaqembu ngemva kokufunda. Abafundi mabasebenze ngamaqembu ukujedela imisebenzi efanele etholakala ngemuva kule ncwadi. Imisebenzi ebhalwayo kumele yenzelwe ezincwadini zokubhalela, hhayi kule ncwadi.

UZinhle uthola abangani abasha



UZinhle nomndeni wakhe base bethuthela endlini entsha kwelinje idolobha.

UZinhle wayesezofunda esikoleni esisha.

Zonke izimpahla zakubo zafakwa elolini. UZinhle wagxumela elolini bahamba.

"Uthi kodwa ngiyobathola abangani abasha?" uZinhle ebuza kumama wakhe. "Yebo, uzobathola ngane yami" kusho umama wakhe.




Ngosuku lwakhe lokuqala
esikoleni sakhe esisha,
uZinhle wayekhathazekile.

Wayengenabangani. "Ngubani ozoba
ngumngani wami?" ecabanga.

"Angazi muntu," uyacabanga.
"Ngizocela kanjani ukuthi umuntu
abe ngumngani wami?"

Waphakamisela umama wakhe
isandla. "Uhambe kahle Mama."
"Ngiyethemba ukuthi ngizomthola
umngani".



UZinhle waya eklasini lakhe elisha lebanga lesi - 2. Wayephethwe uvalo nenhliziyo yakhe ishaya ngamandla, ithi gu, gu, gu.

Wayegqoke umfaniswano wakhe omusha, enezincwadi ezintsha, kanye nothisha omusha. Wahlala edeskini, eduze komfanyana omusha esikoleni, igama lakhe linguSandile. uSandile naye wabe eneminyaka eyi - 7.

"Kazi uSandile angakwazi yini ukuba ngumngani wami," kucabanga uZinhle .




Yakhala insimbi yokuya ekhefini,
uSandile waphuma waqhasha eya
kodlala. Yena wayesebatholile
abangani.

UZinhle yena bandla wema wabukela
ezinye izingane zidlala. Wayethanda
naye ukudlala nezinye izingane
kodwa wayesaba ukucela ukudlala.
Akekho owaqaphela ukuthi uZinhle
wayezimele yedwa.

“Nami ngifisa sengathi ngingadlala,”
ecabanga. “Ngizizwa nginesizungu.”

Nami ngifisa sengathi
ngingayodlala.



Ngosuku olulandelayo, ngesikhathi sekhefu, uZinhle wabona uNolwazi ehlezi yedwa futhi ebukeka edangele.

UNolwazi wayedangele ngoba wayekhohlwe yisikhafutini sakhe sokudla ekhaya, manje wayelambe kakhulu. Wayebukela uJim noJabu bedla ukudla kwabo.

"Sengathi ngabe benginokudla," ekhulumela phansi.



UZinhle wabona ukuthi uNolwazi udangele.

"Kwenzenjani, Nolwazi?" kubuza uZinhle . "Ngabe ukhohlwe ukuphatha ukudla kwakho ekhaya?"

"Yebo," kuphendula uNolwazi "futhi ngilambe kakhulu."

"Ungakhathazeki, Nolwazi," kusho uZinhle , "Ngizodla nawe ukudla kwami."



UZinhle wadla ukudla kwakhe
noNolwazi.

"Mmm!" kusho uNolwazi.

"Leli samishi limnandi kakhulu!"

"Ngiyabonga Zinhle . Ngibonga
ngokunginakekela kwakho," kusho
uNolwazi.


UZinhle wabe esenomngani omusha!



Inja uPhithiza yayijabule kakhulu
ngokuthi uZinhle wayethole umngani
omusha. Wakhonkotha watshikizisa
umsila.

"Hhaw! Hhaw!" ekhonkotha.
Zagijima izingane zayohlola ukuthi
uPhithiza ukhonkothelani.

"Zinhle ! " Woza uzodlala nathi",
kumemeza izingane.



Ngokushesha nje, uZinhle wabe
esenabangani abaningi.

Wakujabulela ukuba sesikoleni sakhe
esisha. Wayezithokozisa ngokudlala
nabangani bakhe abasha. Akubanga
nzima ukushintsha kwakhe isikole.

**Kulula ukuthola abangani uma
unomusa nesihe!**



Batholwa kanjani abangani



Kwenye inkathi kuba sengathi akulula ukuthola abangani. Yini okufanele uyenze?



Qala wena
uzisondeze.
Zazise kwabanye.

Ngenela imidlalo
yesikole yantambama.





Qiniseka ukuthi uhlala
uhlanzekile.



Khumbula amagama
abantu.



Phana.



Yiba nomusa.



...Futhi uma unomngani omusha, thembeka,
ube neqiniso, uhloniphe futhi ube qotho.



Ukufunda ngmaqembu okuholwayo



1

Bheka izithombe.

Tshela umngani wakho ukuthi kwenzeleki esithombeni ngasinye.

Shono kumngani ukuthi yisiphi isithombe okumele sibe sekuqaleni, nokumele sibe ngesesibili, nesethathu.



2

Hlela imisho elandelayo ngokulandelana kwezigameko bese uyifundela umngani wakho.

- | | |
|----|---|
| a. | Uvalelisa umama wakhe ngokuphakamisa isandla. |
| b. | UZinhle udlala ukudla kwakhe noNolwazi. |
| c. | UZinhle uhlala noNolwazi. |
| d. | UNolwazi ulambe kakhulu. |
| e. | Namuhla uZinhle uthuthela endlini entsha. |



3 Lingisa le ndaba.



4 Qedela umsebenzi olandelayo.

- a. Bhala phansi amagama amabili ezwakala enomsindo of anayo nalawo owanikeziwe.

hlala

woza

dlala

buka

- b. Bhala amagama aphikisa lawa alandelayo:

hamba

hlala

khuluma

valelisa

dangala

khala

lamba

ngena

vuka

- c. Thola amagama endabeni anemisindo elandelayo bese uwabhalala phansi:

-sh

-hl

-nd

-th

- d. Thola imisho kule ndaba enezimpawu ezilandelayo bese uyibhala encwadini yokubhalela:



5 Phendula lemibuzo:


- a. Sithini isihloko sale ndaba?
- b. Ngobani abalingiswa abaqavile kule ndaba?
- c. Kungani uZinhle ashintsha isikole?
- d. Thola igama endabeni elisho okufanayo naleli - itwetwe?

- e. Wake washaywa uvalo? Uma kunjalo, kwakwenzenjani?
- f. Kungani ucabanga ukuthi uNolwazi wabe enamahloni okucela ukudlala nezinye izingane?



6

Phinda udwebe uhlakalwembu encwadini yakho bese uligcwalisa.



7

Phinda ubhale le ndaba ngamagama akho imisho emine.

IBANGA LESI-2 ULIMI LWASEKHAYA



Incwadi yoku- I

Isihloko:	USisi uhlangana nabangani abasha
Ulimi:	IsiZulu
Izinga:	Ibunga lesi-2 Ulimi Lwasekhaya Incwadi yokufunda Izinga loku-1 Incwadi yoku-1
Uhlobo lombhalo:	Indaba
Amagama ajwayelekile:	umama, inju, uvalo, khonkotha, umngani, isamishi, insimbi
Ulwazimagama:	itwetwe, uvalo, isamishi, isihe, ideski, udangele
Imisindo:	ph, th, ng, sh, hl, mb
Okuqukethwe, imiqondo namakhono:	<ul style="list-style-type: none">▪ Ulandelanisa izithombe ngokwezigameko.▪ Ulandelanisa izigameko.▪ Ulingisa le ndaba.▪ Ubhala phansi amagama anemisindo ezwakala ngokufanayo.▪ Ubhala phansi amagama asenkathini edlule.▪ Uthola amagama endaben i anemisindo elandelayo: sh, hl, nd, th▪ Uthola imisho endaben i enezimpawu ezilandelayo: ongqi, okhefana, uphawu lombuzo nesibabazo.▪ Ufunda bese ephendula imibuzo yokuqondisisa.▪ Ugcwalisa ibalazwe lomqondo ngale ndaba.▪ Ubhala indaba ngamazwi akhe.

ICAPS ifuna ukuba othisha babeke eceleni isikhathi nsuku zonke sokubhekana nokufunda kweqembu okuholwayo. Ukufunda kweqembu okuholwayo kudinga abafundi asebesizingeni elifanayo lokwazi ukufunda umbhalo ofanayo emaqenjini. beholwa nguthisha.

Ekufundeni ngamaqembu okuholwayo. othisha bahola abafundi abasezingeni elifanayo lokufunda ekufundeni incwadi efanayo beseqenjini.

Isikhathi sokufunda kumele simbandakanye izinhlobo zamasa ehlukahlukene zokufunda nokuqondisisa okudingwa abafundi uma befunda.

Isu lokufunda ngempumelelo lidinga futhi ukuxoxisana ngombhalo phakathi kukathisha nabafundi, naphakathi kwabafundi emaqenjini.

Lezi zincwadi zinemisebenzi yokuqondisisa kanye neminya ehambelana nokufunda ngokuqondisisa ukusiza othisha ukuze bakwazi ukuhola ukufunda ngamaqembu emakilasini.



ISBN 978-1-4315-2341-2



**THIS BOOK MAY NOT
BE SOLD.**



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

Author: V McKay

Ezinye izincwadi eShalofini
Lezincwadi zeBanga lesi-2
zoLimi Lwasekhaya.



**UZinhle uthola abangani
abasha**

Yimpilo yenja

**Idube layithola kanjani
imithende?**

UJeri uyathanda ukufunda



Indlovu nomboko wayo

Benza kanjalo abangani

Ichwane elibi ledada



Ibhayisikili likaBheki elisha

Izilwane ziya olwandle

Kwasiza uMkholomkhulu